



Javno preduzeće "Grijanje" d.o.o. Zenica, Bilmišće br.107, 72 000 Zenica  
telefon +387 32 423 097, fax +387 32 423 099  
www.grijanjezenica.ba

Na osnovu člana 70., 71. i 88. Zakona o javnim nabavkama („Službeni glasnik BiH“ broj 39/14), člana 37. i 38. Statuta Javnog preduzeća „Grijanje“ d.o.o. Zenica, na preporuku Komisije za nabavke, broj: 16399/20 od 16.12.2020. godine, Uprava Javnog preduzeća „Grijanje“ d.o.o. Zenica, donosi:

## **ODLUKU** **o izboru najpovoljnijeg ponuđača**

### **I.**

**Privredno društvo GRANT THORNTON d.o.o. Banja Luka**, sa sjedištem u Banja Luci, ul. Vase Pelagića br. 2/IV, 78000 Banja Luka, bira se za najpovoljnijeg ponuđača u postupku nabavke usluge-**Eksterna revizija finansijskih izvještaja za 2020. godinu**, putem konkurentskog zahtjeva za dostavu ponuda, broj nabavke: 1091-7-2-708-3-35/20 od 26.11.2020. godine.

### **II.**

Izabranom ponuđaču bit će ponuđen Ugovor o eksternoj reviziji finansijskih izvještaja za 2020. godinu za potrebe Javnog preduzeća „Grijanje“ d.o.o. Zenica, najkasnije u roku od 10 (deset) dana od dana okončanja postupka nabavke, odnosno od dana prijema ove odluke.

### **III.**

Obavezuje se izabrani ponuđač da u roku od 5 dana od dana prijema ove odluke, dostavi ugovornom organu dokaze o ispunjavanju uslova lične sposobnosti iz tačke 3.1.1. Tenderske dokumentacije ugovornog organa.

### **IV.**

Zadužuje se Komisija za nabavke Javnog preduzeća „Grijanje“ d.o.o. Zenica, da u roku od 3 (tri) dana od dana donošenja ove odluke istu dostavi odabranom ponuđaču i time ga obavijesti o rezultatima analize dostavljene ponude u ovom postupku nabavke.

### **V.**

Ova odluka objavit će se na web stranici Javnog preduzeća „Grijanje“ d.o.o. Zenica.

## **Obrazloženje**

Na osnovu Plana nabavki Javnog preduzeća „Grijanje“ d.o.o. Zenica za 2020. godinu, broj: 20798/2019. od 25.12.2019. godine i Odluke o pokretanju postupka nabavke usluga Uprave Javnog preduzeća „Grijanje“ d.o.o. Zenica, broj: 11699/20 od 10.09.2020. godine, putem konkurentskog zahtjeva za dostavu ponuda, sačinjena je tenderska dokumentacija za nabavku usluga- Eksterna revizija finansijskih izvještaja za 2020. godinu, putem konkurentskog zahtjeva za dostavu ponuda, procijenjene vrijednosti do 7.000,00 KM.

Na osnovu Obavještenja o nabavci broj: 1091-7-2-708-3-35/20, objavljenog na „Portal javnih nabavki: ejn.gov.ba“, dana 26.11.2020. godine, ponude su blagovremeno dostavila 4 (četiri) ponuđača i to: 1. ORECONS&AUDIT d.o.o. Zenica, ul. Muftije Šemsekadića br. 14, 72000 Zenica 2. ETIC d.o.o. Zenica, ul. Londža b.b. PC Roma II/2, 72000 Zenica 3. BDO BH d.o.o. Sarajevo, ul. Fra Andela Zvizdovića br. 1, 71000 Sarajevo i 4. GRANT THORNTON d.o.o. Banja Luka, ul. Vase Pelagića br. 2/IV, 78000 Banja Luka.

Shodno odredbama zakona i općim aktima ugovornog organa, kriterij za vrednovanje ponuda je ekonomski najpovoljnija ponuda.

Ponuđači su dostavili ponude sa podkriterijima koji se vrednuju unutar kriterija ekonomski najpovoljnija ponuda, i to: 1. ORECONS&AUDIT d.o.o. Zenica sa ponudom, cijena: 7.000,00 KM, rok izvršenja usluge: 1 dan, rok izvršenja predrevizijskih radnji: 63 dana, rok plaćanja: 90 dana; 2. ETIC d.o.o. Zenica sa ponudom, cijena: 7.000,00 KM, rok izvršenja usluge: 1 dan, rok izvršenja predrevizijskih radnji: 53 dana, rok plaćanja: 90 dana; 3. BDO BH d.o.o. Sarajevo, sa ponudom cijena: 5.800,00 KM, rok izvršenja usluge: 1 dan, rok izvršenja predrevizijskih radnji: 1 dan, rok plaćanja: 90 dana; 4. GRANT THORNTON d.o.o. Banja Luka sa ponudom, cijena: 7.000,00 KM, rok izvršenja usluge: 1 dan, rok izvršenja predrevizijskih radnji: 40 dana, rok plaćanja: 60 dana.

Provjerom prihvatljivosti dospjelih ponuda, prema zahtjevu ugovornog organa iz tenderske dokumentacije, utvrđeno je sljedeće:

Ponuda ponuđača Orecons & Audit d.o.o. Zenica, NIJE PRIHVATLJIVA.

Ponuđač je u ponudi, u obrascu za cijenu ponude, za kriterij rok izvršenja predrevizijskih radnji, ponudio 63 dana. Uzimajući u obzir broj ponuđenih dana koje bi ponuđač trebao provesti na predrevizijskim radnjama i 15.03.2021. godine kao rok za predaju konačnog izvještaja o reviziji finansijskih izvještaja, odnosno rok za izvršenje usluge eksterne revizije finansijskih izvještaja za 2020. godinu, ponuđač ne može izvršiti predrevizijske radnje u sjedištu preduzeća u ponuđenom broju dana do 15.03.2021. godine, a samim tim ni uslugu revizije, jer je ponudio veći broj dana od raspoloživog broja kalendarskih odnosno radnih dana.

Ponuda ponuđača ETIC d.o.o. Zenica, NIJE PRIHVATLJIVA.

Ponuđač nije dostavio KOPIJU PONUDE, a što je bio dužan prema Tački 4.2. Tenderske dokumentacije ugovornog organa.

Ponuda ponuđača BDO BH d.o.o. Sarajevo, NIJE PRIHVATLJIVA.

Ponuđač je za cijenu ponude, ponudio iznos od 5.800,00 KM bez PDV-a. Ponuđena cijena nije u skladu sa Obrascem za cijenu ponude, odnosno sa kriterijima za određivanje najniže naknade za revizorske usluge Ugovornog organa, kao i Tarifom revizorskih usluga ( Službene novine Federacije BiH broj 52/15).

Shodno članu 1. stav 2. i 3., članu 2. stav 5. Tarife revizorskih usluga i ukupnog broja bodova (1536,66), najniža cijena usluge revizije iznosi 7.000,00 KM bez PDV-a. Ponuđači ne mogu ponuditi nižu cijenu od cijene utvrđene Tarifom revizorskih usluga.

Ponuda ponuđača Grant Thornton d.o.o. Banjaluka je PRIHVATLJIVA.

Ponuda ponuđača ispunjava formalnopravne i tehničke zahtjeve ugovornog organa, te kao takva može biti predmet vrednovanja.

Komisija za nabavku predložila je Ugovornom organu da prema članu 70. Zakona o javnim nabavkama (Službeni glasnik BIH broj: 39/14) donese Odluku o izboru najpovoljnijeg ponuđača, te da odabranom ponuđaču GRANT THORNTON d.o.o. Banja Luka, ul. Vase Pelagića br. 2/IV, 78000 Banja Luka, kao najpovoljnijem ponuđaču, ponudi zaključenje ugovora o eksternoj reviziji finansijskih izvještaja za 2020. godinu, za potrebe Javnog preduzeća „Grijanje“ d.o.o. Zenica.

U vezi naprijed navedenog, donesena je odluka kao u izreci.

**Pravna pouka:** Protiv ove odluke može se izjaviti žalba ugovornom organu u roku od 5 (pet) dana od dana prijema iste.

**Naš znak: 16425/20**  
**Zenica, 17.12.2020. godine**

Dostavljeno:

Ponuđači – putem mail adrese  
1 x Uprava preduzeća  
1 x Arhiva javnih nabavki



z v.d/ Direktor  
*Sead Kaknjo*  
Sead Kaknjo, dipl.ing. maš.